

# पत्रुसकी टिवु यिकी डियवा

## दी थेपकी कोर्ला

दी ति जम्बुलिङकी छो जयीला फेलुप थल्माकी ख्रीष्टियानतिवाला पत्रुसकी टिवु यिकी डियवा यिन। दी यिकीकी खक्छ्येवु तेन्दोक ति येन्देन मेटेड्बु लोपुप गेकेनतिवी क्यावु लाका ताड तिवी लापुप येन्देन नेसुर थेन्दुप ताम्डे दुक्टातिवी तेन्दोकला लङ्गुपला यिन।

ख्रीष्टला थोङ्गुपतिवा ताड खोकी नङ्गुप येन्देन थोवुतिवी बिन्दुप येन्देन टेड्बुला देसिन ती तेरी कलेतिवा ड्योम थुष्किवी। ती येन्देन मेटेड्बु तेरुपतिवी येन्देन तेरुप पेला ख्रीष्ट येलुङ मेफेपी सिनी दप्शे ग्यकिनोक। तीकी थोक्ला पत्रुसला छासे पप लानोक, तुक क्यानी तीकी तिवी तेन्दोकला लानी दुक सिक्का वे। ख्रीष्ट फेपुप फिमु गलुप तेन्दोक ति सु साड ना मोडोशी, तमा तेरीकी रङगी दिक्पा क्यार्शी सिरुप कोन्छ्योककी नोवा वे।

## मुला राड वोतुप लोप्च्येनतिवा

- यिकीकी कोर्ला १:१-२
- ख्रीष्टियानतिवाला कोन्छ्योककी कताड नङ्गुप १:३-२१
- गेकेन मेटेड्बुतिवा २:१-२२
- ख्रीष्ट फेपुप तिङ्मी तुजे ३:१-१८

## पत्रुसकी छ्योक नेमा टसी देलेक

१ येशू ख्रीष्टकी थोकला शब्ज्यी कितुप लोमा छ्ये ड सिमोन पत्रुसकी छ्योक नेमा टसी देलेक! दी यिकी ति टेड्बु वोतुप दाक्पी कोन्छ्योक ताड दिक्पा ने थर ज्यितुप येशू ख्रीष्ट नेमा डियरा दोके खक्छ्येवु तेपा कितुप मीतिवाला टिवु यिनो।

२ कोन्छ्योक ताड दाक्पी चोवो येशू ख्रीष्टला ख्यिरा मड मड डो शेनी खो नेमा नङ्गुप कटिन ताड लोदिमु ति ख्यिराडला छासे थोप्शी।

## तेपाला मड मड रम्बु डोप कोर्ला

३ ओड छ्येवु वोतुप कोन्छ्योककी दाक्पुला मिजी टेड्बु क्योङ्गुपला गोवु ति तेरी नाङ्सुड। ती मोलाम ति कोन्छ्योककी मोवा ताड च्यङ्च्यु सेम्बा नेसुर थल्माला दाक्पुला कताड नङ्गुप यिन सिनी दाक्पी हाक्कोसिमा खोकी दाक्पुला नङ्गुप यिन। ४ खो ति मोवा ताड च्यङ्च्यु सेम्बा वोतुप तप्की दाक्पुला छासे चोछ्येवु ताड खक्छ्येवु ताम्डे थाक्छ्येन नड वे। तीकी तेन्दोक ति दाक्पु दुक्टा वोतुप सेम नेसुर वुङ्गुप दी जम्बुलिङकी नोवा मेलोवा नेसुर थर्नी कोन्छ्योक दोके टेड्बु वोतुप मिजी क्योङ्गुपला यिन।

५ तुक कयानी ख्यिराड खोला तेपा क्यासिमा अछ्योता सेक मी यम्बाला ख्यिरा किताड नालु ति ल्यामु वुड

गोकिवी, किताड नालु ल्यामु वासिमा ख्यिराडला मड रिक्पा थोप गोकिवी, ६ रिक्पा थोप्सिमा डेकला दे गोकिवी, डेकला देसिमा हम क्या दे गोकिवी, हम क्या देसिमा ख्यिराड खोरो सेमगी दिड नेज्युनी कोन्छ्योककी सुडला युक गोकिवी, ७ कोन्छ्योककी सुडला युसिमा तेपा कितुप अच्युतुपतिवाला च्यम्बा कि गोकिवी, तेपा कितुप अच्युतुपतिवाला च्यम्बा क्यासिमा डियङ्ज्ये की। ८ च्यिलासिसिन ख्यिरा मिजीला ती ताम्डेतिवा ग्यक्चे वोसुड सिसिन ख्यिराड ति दाक्पी चोवो येशू ख्रीष्टकी येन्देन ड्येनी लाका बडी कितुप ताड छासे डेलु गोर थुप्कितो। ९ यिने ती ताम्डेतिवा ख्यिरा मिजीला मेसुड सिसिन थाक्किङ्बोला वोतुप च्यालक मोथोङ्गुप ताड मिक् शर्वा दोके गल्नी गोमाला क्यावु दिक्पा ने थरुप ताम्डेतिवा साड टोक ज्येकिवी।

१० तुक कयानी अच्युनुपतिवा, ख्यिराडला कोन्छ्योककी कताङ्नी पेन नङ्गुप लाका ति मड तेन्तेन कितुपला डार छ्येवु की। तुक क्यासिन ख्यिराडला नाम्साड नर्तुक माग्यकिवी। ११ तमा दिक्पा ने थर ज्यितुप दाक्पी चोवो येशू ख्रीष्टकी ख्यिराडला नाम्साड ना मोडोवु खोकी ग्येल्खापला छासे ताङ्देन ताड मुला शुक् ज्यिकिवी।

१२ दी ताम्डे ति ख्यिराडला छ्या वे, तमा ख्यिराड तेपा रम्बु कयानी देकिवी, यिन्सिनाड ड ख्यिराडला नरी टेन

ज्यितुपला दी ताम्डे ति सिरिन। १३ड दी जम्बुलिङला लुता सेक ख्यिराडला दी ताम्डे ति टेन ज्यितुप ताड च्याङ्से दे ज्यितुप ति टेके लाका यिन सिरुप ति डला नोवा वे। १४च्यिलासिसिन ड दी जम्बुलिङला देतुप तुजे अला मे सिरुप ति दाकपी चोवो येशू ख्रीष्टकी डला हाक्को च्यिन वे। १५ड शिसिमा साड ख्यिरा दी ताम्डे ति नाम्साड टोक मेज्येशी सिनी ड टेमु कितिन।

### लुङ्तेम्बातिवी ख्रीष्टकी मोवाकी कोर्ला नम्रर शेतुप

१६ड्यिरा ख्यिराडला चोवो येशू ख्रीष्ट चोछ्येवु वोतुप ताड खो येलुड फेवु कोर्ला लेन ल्यामु ख्याप्टाक क्यावु ति टेङ्बु मेतुप जिनोक जोप पे मिन, यिने ड्यिरा वुतुड के मिककी थोङ्गुप खोकी मोवाकी कोर्ला पङ्बु बिन्दुप यिन। १७पपा कोन्छ्योककी चोवो येशूला ठछ्येली वोतुप मोवा नेमा “दी डे ड्यिङ्ज्येवु पुज्युड यिनो, दीकी मुला ड छासे गा लानी वोतो।”\* सिनी वोरु ग्यकुप पेला खोकी नङ्गुप ताङ्देन ताड मोवा ति येशूला थोप्सुड। १८ती ताम्डे ति चाङ्मा वोतुप रीला ड्यिराड खोकी मुला वोतुप पेला देवाच्येन नेमा सुङ्गुप ति ड्यिरा राड थोवु यिन।

१९तुक क्यानी कोन्छ्योककी लुङ्तेम्बातिवी ड्यिराडला नम्रर

शेतुप सुड टेङ्बुला साड ड्यिराड तेन्तेन वे। ती सुड ति नक्तोमीला दिप्ली च्येतुप दोके यिन। ती दिप्ली ति नक्तोमी गल्नी कर्ज्याड माशरुप पे सेक बरुप दोके ड्यिरा सेमला ज्याक्नी ल्यामु क्यानी हाक्कोवा की। २०खक्छ्येवुला ख्यिरा दी ताम्डे ति हाक्को गोकिवी, कोन्छ्योककी सुडला वोतुप लुङ्तेम्बाकी ताम्डेतिवाला सी साड दुकै ताड तुकै यिन सिनी खोरो ओङ्ज्येन नेमा यम्बा ताम्डे सि मुथुपी। २१च्यिलासिसिन लुङ्तेम्बातिवी नम्रर शेतुप ति मी नोवा नेमा मिन, कोन्छ्योककी थु चाङ्मा नेमा कोन्छ्योककी सुङ्गुप ताम्डे ति लुङ्तेम्बातिवी शेतुप यिन।

### गेकेन मेटेङ्बुतिवा ना गलुप

२ गोमाला इस्राएलकी मीतिवी पर्ला लुङ्तेम्बा मेटेङ्बुतिवा वोतुप दोके ख्यिरा पर्ला साड गेकेन मेटेङ्बुतिवा थेन्गितो। तिवी ख्यिराडला छ्याकला ना डोप येन्देन मेटेङ्बुतिवा लोप्किवी, तमा येशू ति दिक्पा ने थर्वा नङ्गुप चोवो मिन सिनी तिवा खोप्राड डमु राड ना डोप लाका कितो। २तमा मी बडीकी तिवी लापुप येन्देन मेटेङ्बु इयेन्नी दुक्टा किवी। तीकी जोसालेन्सिन मी यम्बातिवी साड कोन्छ्योककी सुड टेङ्बुला मारे तोङ्गिगी। ३तिवा देर्पाला ख्येल्ली

ख्यिराडला ताम्डे जिनोक जोनी ख्यिरा नेसुर ख्येप्साड लडिगतो, यिने तिवी खुर गोवु छ्येर्पाकी कोर्ला गोमाला के तेन्तेन क्या वे। तुक क्यानी तिवा वुतुड के ना डिवी।

४ देवाच्येनकी लेन क्योलुप थुतिवी दिक्पा क्यासिमा कोन्छ्योककी तिवा चुका तीला साड माज्याकनी ड्येलाला क्युसुड। तमा खोकी ठिम क्या नड्गुप तुजे सेककी थोक्ला तिवाला ड्येलाकी नक्तोमीला टानी ज्याक्सुड।

५ नोआकी डोला कोन्छ्योककी जम्बुलिडला खोरे सुडला मुयुकुप मीतिवा चुका तीला साड माज्याकनी छ्यर्वा ग्येर्पु ग्यक च्यिनी ना ताड्सुड। यिने खोकी सुड टेड्बु ख्याप्टाक कितुप नोआ ताड तीकी मुला वोतुप यम्बा मिरा दिनला तिराड ज्होक्सुड।

६ येलुड खोकी सदोम ताड गमोरा ग्येसातिवाला मे थवोनी ना डो च्यिसुड। तमा ती ग्येसाकी मिराप तेरी तोर्नी डो च्यिसुड। तमा खोकी सुडला मुयुकुप मीतिवाला खोकी चुक क्यानी ना तोडिगनोक सिरुप येन्देन बिन्सुड। ७ यिने ती ग्येसाकी मीतिवी सेम नोजु क्यानी डोछा लड्गुप लाका दुक्टातिवा क्यावु थोड्नी लोतकी सेमला छासे मेलोवा गाल्नोक। तुक क्यानी खोकी खोरे थोड्दाडला टेड्बु वोतुप लोतला ति ज्होक्सुड। ८ ती लोत ति मी दुक्टातिवी पर्ला देतुप पेला डियमी टेड तिवी किताड नालु मेलोकपा थोड्सा

ताड थोसालेन्सिन कोन्छ्योककी थोड्दाडला टेड्बु वोतुप तीकी सेम ति छासे सेम्दुक लानोक। ९ तुक क्यानी खोकी सुडला युकुपतिवा छेटाडला ख्येलुप पेला ज्होकुप ताड खोकी सुडला मुयुकुपतिवाला ठिम कितुप तुजे सेक छ्येर्पा बिन्नी टानी ज्योकुप ति कोन्छ्योकला छ्या वे। १० खक्छ्येवुला शम्डेन कितुप नासाम ताड्नी मेटेड्बु कितुप ताड खोकी ओड्ज्येनला मारे तोड्गुपतिवाला खोकी ठिम क्या नडिगवी।

तिवा ड राड यिन सिनी काड साड ज्यिवा माक्यानी मेलोवा किवी, तमा मोवा वोतुप ओड्ज्येनतिवाला साड ज्यिवा माक्यानी मारे तोडिगवी। ११ यिने देवाच्येनकी लेन क्योलुप थुतिवा ति गेकेन मेटेड्बुतिवा सिनाड मड डार छ्येवु ताड ओड्ज्येन वोसिनाड कोन्छ्योककी दोड्ला ति मोवा वोतुप ओड्ज्येनतिवाला मारे तोड्गुप ताड क्यान साड मेतेरी। १२ यिने ती गेकेन मेटेड्बुतिवा याड खोरो हाक्माकोवु ताम्डेला मारे तोडिगवी। तिवा नो मेशेवु सेम्ज्येनतिवा दोके यिन्दुप तप्की खोप्राड नोवाला तिराड युकिवी। तिवा जिम्नी सेतुपकी थोक्ला क्येवु सेम्ज्येन दोके यिन। तुक क्यानी सेम्ज्येनतिवा दोके तिवा ना डिवी। १३ तिवी दुक्टा क्यावु तप्की तिवी छ्येर्पा ति खोप्रे राड खुर गोकिवी। तिवा डियमी गुडला छ्याड आराक थुनी देतुप ति गा किवी, तिवा डोछा

मेतुप ताड ताड्देन कि मोछ्योवु मी यिन। तिवी ख्यिराड मुला राड देनी साप ताड थुङ्गुप पेला साड नरी जिनोक जोप तिराड गा किवी। १४तिवा नरी शम्डेन कितुप नासाम तिराड तोङ्गिगी। तिवा चो दिक्पा क्यासिनाड सेम लो मिदिवी, तिवी तेपा रम्बु मेनी सेम नटेकोटे वोतुप मीतिवाला अलम च्योलोम जेवी। तिवी सेम ति देर्पा कितुपला छासे खामु गिवी। तुक क्यानी तिवा मोताप सुकुप गिपातिवा यिन। १५तिवा लाम थंकाडला युकुप क्युर ज्याकनी लाम मेटेड्बुला गल्नी बओरकी पुज्युड लुड्तेम्बा बालमकी दला शुकुप गल वे। ती बालम ति गोमाला लाका मेटेड्बु क्यानी टङ्गा शोम्बुप गा किनोक।\* १६यिने तीकी क्यावु दुक्चे क्यानकी थोक्ला लप्सिर सोसुड। ताम्डे लप मुथुपुप तीकी पुङ्गोककी साड मी दोके क्यानी तीकी कितुप लाका मेलोवा ति क्यासुड।

१७तिवा छ्यु मेतुप छयी पुड दोके ताड वुर्तुककी फुरुप ल्हवुल दोके यिन। तिवी थोक्ला ड्येलाकी नक्तोमी दासा टडिक क्या वे। १८तिवा अम्बारडिशड कितुप ताड तेन्दोक मेतुप ताम्डे तिराड किवी, तमा मलोक लाका मेलोकपा कितुप क्युर ज्यकुप मीतिवाला साड सेम नेसुर वुङ्गुप नासाम मेलोकपाला

ख्येल ज्यितुपला लुकिवी। १९तिवी मीतिवाला दिक्पा ने रङ्ज्येन थोप्किवी सिनी थाक्छ्येकिवी, यिने खोप्राड ति दिक्पी ओडला राड ख्येल वे। च्यिलासिसिन ख्यिराड चुका मी ति ती ओडला ख्येल वे, ती मी ति तीकी योक्पु यिन। २०दोजो तिवी दाक्पुला दिक्पा ने थर ज्यितुप चोवो येसू ख्रीष्टला डो शेनी दी जम्बुलिङकी मेटेड्बु वोतुप च्यालक नेसुर थेन्सिमा येलुड गोमी किताड नालुला लोकनी ती दिक्पी ओडला राड डिवी सिसिन तिवा गोमी ति सिनाड ज्युक्ला मड मेलोकपा डिवी। २१ती तप्की तिवाला बिन्दुप कोन्छ्योककी सुड टेड्बु ति तिवी हाक्कोनी साड ती सुडला मुयुकुप सिसियाड, बोरु तिवाला कोन्छ्योककी थोङ्दाडला टेड्बु वोतुप सुङ्गी कोर्ला हाक्माकोवु राड ल्यामु यिन्दुप्जा। २२तुक क्यानी तिवी थोक्ला “की तीकी खोरो क्यानी खोरो राड लकिवी। फाक्पाला टुनी बिन्सिन येलुड दक्च्यरला राड गड्ड्येल चेवी।”\* सिरुप पेकी तेन्दोक ति डिक्किवी।

### चोवो येलुड फेपुप कोर्ला

३ डे डियङ्ज्येवु अच्युनुपतिवा, दी ति डे ख्यिराडला टिवु यिकी डियवा यिनो। दी यिकी डियकरकी नाङ्गला माङ्गशोक ताम्डेतिवा ति

ख्यिरा सेमला नासाम टेङ्बु तोड ज्यितुप सिनी टोङ्गु तेरुपला टि वे। <sup>२</sup>तुक क्यानी तोङ्ला लुङ्तेम्बा टेङ्बुतिवी नमदर शेतुप ताम्डे ताड लोमा छ्येतिवी ख्यिराडला दिक्पा ने थर ज्यितुप चोवो येशूकी कोर्ला लापुप सुड ति ख्यिरा नरी नासाम ताङ्नी टोक माज्येता।

<sup>३</sup>तेरी सिनाड गोमाला ख्यिरा दी ताम्डे ति हाक्को गोक्वि। ती ताम्डे ति काड यिन सिसिन जम्बुलिङकी तिङ्मी तुजेला खोरो सेमगी नासाम मेलोकपाकी ओडला वोतुप मीतिवी ख्यिराडला मर्च्या क्यानी दुक सिनी टिवी, <sup>४</sup>“ख्रीष्ट फेक्किवी सिनी थाक्छ्येतुप मिन रो? दाक्पी पगावा हङ्गावातिवा शिसिमा साड दी जम्बुलिङ ति थल्माला ज्येङ्गुप पेला नेज्युन काड साड माफो वे।” <sup>५</sup>तिवी तुक सिनी सिक्पावु ति कोन्छ्योककी सुङ्गी थल्माला नाम ज्ये नङ्गुप यिन, तमा जम्बुलिङ ति छ्यु नेसुर ज्ये नङ्गुप यिन, <sup>६</sup>तमा ती छ्यु नेसुर राड तोङ्ला जम्बुलिङला छ्यर्वा ग्येर्पु ग्यप्नी जम्बुलिङ तेरी ना तङ्गुप यिन सिनी सिरुप ति तिवाला छ्या वोसिनाड छ्या मेतुप दोके जोवु यिन। <sup>७</sup>दी कोन्छ्योककी सुङ्गी राड तसाम पेलाकी नाम ताड जम्बुलिङ ति मे नाङ्ला ना तोङ्गुपला ज्होक्नी ज्याड वे। तमा खोकी सुङला मुयुकुप

मीतिवाला ठिम कितुप तुजे सेककी थोक्ला सानी ज्याड वे।

<sup>८</sup>यिने डे ड्रियङ्ज्येवु अच्युनुपतिवा, दी ताम्डे ति टोक माज्ये। ती ति काड यिन सिसिन चोवोकी थोक्ला ड्रियमा च्यिक ति लो तोङ्डा च्यिक चोयी तिराड यिन, तमा लो तोङ्डा च्यिक ति ड्रियमा च्यिक चोयी तिराड यिन।\* <sup>९</sup>चोवोकी थाक्छ्येन नङ्गुप सुड ति फिमु क्या नङ्गिगी सिनी ललाइकी सिक्पासिनाड खो नाम्साड फिमु मिकिवी। यिने मी सु साड ना मोडोशी, तेरी मीतिवी सेम ग्युर्शी सिनी ख्यिरा थोक्ला खो हम क्यानी ज्युवु यिन।

<sup>१०</sup>यिने चोवोकी तुजे ति कुर्मेन वावु दोके हाक्माकोवा क्यानी गिवी। ती पेला नाम ति वोरु गिर्पो यी तेन्नी ना डिवी, तमा ड्रियमा उला ताड कर्मातिवा मे रापकी तेरी शिनी डिवी। जम्बुलिङ ताड जम्बुलिङला वोतुप तेरी शिनी डिवी। <sup>११</sup>दी तेरी च्यालकतिवा ना डिवी सिरुप हाक्कोनी ख्यिरा मिजी ति चुक क्यानी टेङ्बु ताड कोन्छ्योककी सुङला युक् गोक्वि सिरुप ति नासाम तोड। <sup>१२</sup>ख्यिराड कोन्छ्योककी ठिम क्या नङ्गुप तुजेला गुनी देन वे, तमा ती तुजे ति डमु राड वुङ्शी सिनी नो की। खोकी तुजे छेवु छेर्मु नामतिवा छिक्नी ना डिवी, ड्रियमा उला ताड कर्मातिवा साड तेरी मे रापकी शिकिवी। <sup>१३</sup>यिने

दाक्पु याड खोकी थाक्छ्येन नङ्गुप दोके देवाच्येन सम्बा ताड जम्बुलिड सम्बाकी थोक्ला लाम ल्हयी वै। ते कोन्छ्योककी थोड्दाडला टेड्बु वोतुपतिवा तिराड दे थुप्किवी।

१४ ती तप्की डे ड्रियङ्ज्येवु अच्युनुपतिवा, ख्यिराड ती तुजेला गुनी देतुप तप्की खोकी थोड्दाडला ख्यिराड मड टेड्बु ताड क्येन मेतुप ताड खोकी मुला तम्जी ल्यामु वोतुप मिजी क्योड। १५ कोन्छ्योककी हम क्यानी गुनी देतुप ति दाक्पु दिक्पा ने थरुपला यिन सिनी नासाम तोड। दाक्पी नुप पावलकी साड कोन्छ्योककी नङ्गुप रिक्पा नेसुर ख्यिराडला ती ताम्डेकी थोक्ला टिवु यिन। १६ खोकी तङ्गुप यिकीतिवा तेरीकी नाङ्गला साड दी ताम्डेकी

कोर्ला टिनी वोतो। ती नाङ्गला ललाइ ललाइ ताम्डेतिवा हाक्कोवु कले वै, तुक क्यानी यिकी मेशेवुतिवा ताड कोन्छ्योकला तेपा रम्बु मेतुप मीतिवी दी ताम्डेतिवाला यम्बा छ्योकी थेपला वोतुप दोके फिलोक्पा नालोक्पा जोनी खुरुडला राड खोरो ना तोड्गिगी।

१७ तुक क्यानी डे ड्रियङ्ज्येवु अच्युनुपतिवा, ख्यिराड गोमाला के दी ताम्डे ल्यामु हाक्कोनी च्याङ्से देता। मी दुक्टातिवी ताम्डेला येनी मादे, तमा रङ्गी हाक्कोवु सुडला रम्बु क्यानी डेकला देता। १८ तमा दाक्पुला दिक्पा ने थर ज्यितुप चोवो येशू ख्रीष्टकी कटिन ताड खोकी रिक्पाला ख्यिराड मड मड फरिन ग्युक। खोला तन्दा ताड नरीकी नरी मोवा वुङ्शी। आमिन।

